

RÁ ÑOHO RA TESALONICENSE RÁ ÑOHO RÁ CARTA RA APOSTOL NSAN PABLO NÚ'À BI 'YOPABI YA GAMFRI ME TÉSALONICA

*Ma'na'qui ra apostol Pablo ne yá compa opabi
ya gamfri me Tesalonica*

¹ Núga drá Pablo, ne ra cu Silvano ne ra cu Timu, dí p̄ehn'a'iheb̄ nuna ra carta nu'ah̄ gyá gamfrih̄ guí 'b̄uh̄b̄ Tesalonica ne guí 'b̄uh̄ co Ajuà ma Dadah̄ ne co ma zi Hmuh̄ ra Jesucristo. ² Ajuà ra Dada ne ra zi Hmu Jesucristo da j̄ap'a'ih̄ ne da max'a'ih̄ pa gui 'b̄uh̄ te rá 'ñentho.

*Ajuà ma da castiga nuya 'yøt'ats'oqui nu sta
yopa zøhø ra Zidada Jesucristo*

³ Zi cuh̄, p̄e'tsi te ga umfe nzantho njamadi Ajuà por gue'ah̄ ngu rí 'ñepcahe ga øthe ngue'à xi rí te ri jamfrih̄ ne gatho'ih̄ ma'na rí zilta ri hm̄ateh̄ 'na ngu ma'na. ⁴ Hangue nuje dí e'ts'a'ihe ri nsuh̄ ja yá niña Ajuà ngue'à xi ra dangui ri jamfrih̄ masque guí thoh̄ ya ts'othogui ne ya nt'utsate. ⁵ Pe gatho nuya thogui guí thoh̄, ja ri hnejni gue Ajuà øt'a nū'à xá hñó ne ma da 'yøt'a ra hoga ts'utbi, ngue'á por nuya ts'othoguiya Ajuà da za da m̄a gue rí 'ñep'a'ih̄ gui 'b̄uh̄ hab̄ bí manda'à, ne por gue'à grí sufrih̄.

⁶ Ajuà øt'a nū'à xá hñó da co'tsuabi nū'à to'o ri utsa'ih̄. ⁷ Nehe nū'ah̄ t'utsa'ih̄, Ajuà øt'a nū'à xá hñó da 'ra'a'ih̄ ra tsaya mahyegui con guecje nu

stua pengui de mahets'i ra Zidada Jesu co ya εnxε nū'ü hampa rá ts'edi'a. ⁸ Nu stí 'ñeheua'ä, ma da hnequi 'nara dānga tsibi ja rá nthets'i. Ma da 'ñehe pa da castiga nū'ü to'o hingui pā Ajuä nixi hingui øtuabi rá mäca noya ma Zidadahü ra Jesucristo. ⁹ Nu'ü ma da gut'a yá thai ja ra nidu pa nzantho, ne hinda za da 'mū'ü ja rá thandi ra Zidada habü ja rá nsunda ne rá ts'edi. ¹⁰ Nura pa stí 'ñehe'ä, gatho ya cu nū'ü to'o camfri'a ma da 'yø ne da nsunda'ä. Ne'ahü ma gui 'yøhü ne gui nsundahü'ä ngue'ä gá camfrihü nū'ä dá xi'a'ihe.

¹¹ Por guehna nzantho dí aphe Ajuä gue da max'a'ihü pa gui 'buhü ngu rí 'ñep'a'ihü ngue'ä xa zohn'a'ihü'ä, ne dí aphe gue da nup'a ri mfenihü co rá ts'edi'a pa gui 'yøthü co 'nara johya gatho nū'ä xá hñó ne pa gui 'yøthü ya 'befi dega jamfri, ¹² pa njabü da hnequi rá nsunda ma Zidadahü ra Jesucristo ja ri 'mühlü ne da t'e'ts'a ri nsuhü po rá hñoya'i Ajuä ne ra Zidada Jesucristo.

2

Ma da hnequi ra 'yøt'ats'oqui gája'i

¹ Núbya zi cuhü dí ne ga xi'ahe de rá yo'ehe ma Zidadahü ra Jesucristo nu xcrá muntshü con gue'ä. ² Dí bante'ihe zi cuhü gue hingui ntsuhü nixi to gui hophü da 'uec'a'ihü de ri hoga mfenihü ne da 'ñeñ'ahü gue ra Zidada ya bá yopa pengui, nixi dega thedi, nixi dega noya, nixi dega hε'mi nū'ä di mä gue go stá penhe, ne nū'ü di mä gue rá pa de rá yo'ehe ra Zidada ya bi zøhø. ³ Oxqui hophü ni 'na tñi to da hya'ahü ne da 'ñeñ'ahü gue nura pa ya bi zøhø. 'Met'o ma da nanga ndunthi to'o da ña

ncontra de Ajuá, ne da hnequi nú'á ra 'ñøhø dega 'yøt'ats'oqui ma da ma ja ra nidu. Nepa 'mefa de gue'a ma da zøhø ra Zidada. ⁴ Nura 'yøt'ats'oqui gá ja'i'á ma da ma ncontra de Ajuá ne da 'ñexa sehe, ne da ne da hñamba yá luga gatho nú'á t'embí gue go gue'á Ajuá, nú'á ri nsunda ya ja'i, asta hindá hñudi ja rá ndanija Ajuá, ne da mañ'á gue go gue'a Ajuá.

⁵ ¿Ha gue hinguí beñhá gue nú'bá ndí 'bui con gue'ahá dá xi'a'ihá de guehna? ⁶ Nu'ahá guí pahá te rá 'be'a'á hinxa hopi da hnequitho nura 'yøt'ats'oqui gá ja'i'á. Ma da hnequi asta nú'á ra pa da zø rá ora. ⁷ Nura ts'oqui ya ri mpøfi mant'agui, hønse tø'mabya da thäca nú'á to'o hingui hopi da hnequi. ⁸ Nu'bá gue'bá da hnequi nú'á ra ts'oja'i, ne ra Zidada ma da hyo'a co 'nara noya da ma, ne da ma da huati co rá nsunda nu sta 'ñehe'a. ⁹ Nu sta hnequi nura ts'oja'i'á dri hñampa rá ts'edi ra Satá ne ma da 'ñudi ndunthi ya nt'udi ne da 'yøt'a ndunthi ya milagro dega nthate. ¹⁰ Ne ma da hyat'i co ya nthate xi xá nts'o nú'á to'o ma da ma ja ra nidu. Nu'á mi tsa da mpøhø hmähä pe himbi ne bi gamfri nú'á xi majuani hangue ma da ma ja ra nidu. ¹¹ Hangue ringue'a Ajuá da pu'tua yá mfeni'á pa da gamfri nuna ra nc'uambana. ¹² Pa njabá da duxa ra ts'oqui nuto gatho himbi ne bi gamfri nú'á majuani, nú'á to'o ma'na bi ho ra ts'oqui que nú'á majuani.

Ajuá xa huancahá pa ga mpøhøhá

¹³ Pe nuje rí 'ñepcahe gue nzantho ga umfe njamádi Ajuá por gue'ahá zi cuhá yá hmädi'ihá ra Zidada, nguetho Ajuá bi huahn'a'i'ihá ante da hyoca ra ximhai pa gui mpøhøhá. Ne gá mpøhøhá

ngue'ä ra Mäca Ndähi bi 'uec'a'ihü de ya ts'oqui, ne xcá camfrihü nú'ä majuqani. ¹⁴ Pa guehna bi zohn'a'löhü Ajuä por nura mäca noya stá xi'a'ihe pa da hnequi rá nsunda ma Zidadahü ra Jesucristo ja ri 'mäihu.

¹⁵ Hangue ringue'ä zi cuhu oxqui 'ueguehu. Pe'tshü xá hñö ya nt'utuate nú'ü stá u'l't'a'ihe dega noya o nú'ä stá op'ahe. ¹⁶ Ajuä ma Dadahü bi macaguihü ne bi huegaguihü hangue bi 'racjü ra humäi pa nzantho ne bi 'racjü 'nara hogan nthø'mate. ¹⁷ Nú'ä ne ma zi Hmuhü ra Jesucristo da nup'a ri mfenihü ne da ja'ahü gui 'yohü xá hñö de nú'ä guí ñothü ne nú'ä guí mäñhü.

3

Ra apostol Pablo xipaya cu gue da ora por gue'ü pa njabü ma'na da ntünga rá noya Ajuä

¹ Nubyá zi cuhu dí a'a'ihe gui 'yaphü Ajuä por guecje pa da däma ntünga rá noya Ajuä haburaza, ne da jamfri ngu xcá camfrihü. ² Nehe 'yaphü Ajuä gue da ñangaguihe'ä de ya 'yøt'ats'oqui gá ja'i nú'ü ñothü ya nts'o'mäi, ngue'ä hinga gatho pe'tsa ra jamfri. ³ Masque njabü, nu Ajuä hingui pata rá mfeni, nú'ä da ja'ahü gui zedihü ne da ñäñ'a'ihü de ra nts'o. ⁴ Dí camfrihe gue guí ñothü nú'ä stá 'bep'ahe ne ma gui sigui gui 'yøthü njabü ngue'ä Ajuä ri 'ra'ahü ra ts'ëdi. ⁵ Ra Zidada Jesu da xoc'a ri mfenihü pa gui pe'tshü rá hmäte Ajuä ja ri corasohü, ne pa gui tsëthü ngu bi zeta ra Zidada Jesucristo.

Ya cu rí 'ñepi da mpëfi

RÁ ÑOHO RA TESALONICENSE 3:6 v RÁ ÑOHO RA TESALONICENSE 3:17

⁶ Zi cuh^u, dí 'bep'a'ihe de rá thuhu ma Zidadah^u ra Jesucristo gue gui 'uegueh^u de gatho nú'^u ya cu xa mp^unga d^uhñei ne hingui 'yo ngu nú'^u dá u't'a'ihe. ⁷ Nu'ah^u ya guí p^uh^u gue rí 'ñep'a'i^uh^u gui tenga ma 'm^uihe. Nuje hindá nd^uhñeihe nu ndá 'bah^uba. ⁸ Nixi to'o bi 'uinjethoho. Nu'^uq^u ndí øthe, ndí mpefihe ma pa ra xuui co ndunthi ra nzabi pa himbi 'me te dá tsihe, ne pa hindá ø't'ahe ya xuhña. ⁹ Hingue himrí 'ñepcaguihe pa gui 'racaguihe te ga tsihe. Dá øthe njab^u pa da za gui 'yøth^u ngu nú'^u dá øthe. ¹⁰ Ngue'^uq^u nú'b^u nduá 'b^uhe con gue'ah^u dá 'bep'ahe gue nu'^uq^u tó'o hinda ne da mpefi hinda ñuni nehe. ¹¹ Dí xi'ahe nuna ngue'^uq^u dí øhe gue 'ra de gue'ah^u ya xcá mp^unga d^uhñei^uh^u ne hinguí ne te gui p^uh^u, hønse guí 'yoh^ub^u grí hñøth^u hab^u hindí 'ñepi gui hñøth^u. ¹² Nuya cu'^u to'o øt'a njab^u, dí 'bephe ne dí zohe de rá ts'^uedi ma Zidadah^u ra Jesucristo gue da mpefi te rá 'ñenthø pa njab^u da d^uha nú'^uq^u da zi.

¹³ Zi cuh^u odi tsabi'i^uh^u gui 'yøth^u ra hñø. ¹⁴ Nu'^uq^u tó'o hinda 'yøtcaguihe nú'^uq^u dí m^uñhe ja nuna ra carta, m^uñh^u to gue'^uq^u ne ogrí ntsixh^u'q^u pa njab^u da ntsa. ¹⁵ Pe oguí ^utsah^u. Umf^u ra ts'ofo ngu rí 'ñepi 'nara cu.

Ra apostol Pablo ja rá ngats'i rá carta apa Ajua por ya cu

¹⁶ Nubyá, ra Zidada nú'^uq^u 'racj^u ra hum^ui, nz^unthø da 'ra'ah^u 'nara hum^ui de nú'^uq^u te gatho da 'ñehe. Ra Zidada da 'm^ui con gatho'i^uh^u.

¹⁷ Núga drá Pablo dí op'ah^u ra nzengua co ma 'y^ue se^uh^u, guehna 'nara seña ja gatho nú'^u ya carta dí

RÁ ÑOHO RA TESALONICENSE 3:18 vi RÁ ÑOHO RA TESALONICENSE 3:18

ofo. Njaua dí ofo. ¹⁸ Ma Zidadahu ra Jesucristo da
max'a'ihu gatho. Njabu gue'a.

**Ra 'Ra'yo Testamento
New Testament in Otomi, Mezquital (MX:ote:Otomí,
Mezquital)**

copyright © 2008 Wycliffe Bible Translators, Inc.

Language: Otomi, Mezquital

Translation by: Wycliffe Bible Translators, Inc.

Otomi, Mezquital

ote

Mexico

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Otomi, Mezquital

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

c6437f19-566b-5232-8b2a-5c88e5a5622b